

ملتزم بلوتوث | #عمرة_التربية_4 | د. حازم شومان

حازم شومان

السلام عليكم ورحمة الله وبركاته. وعليكم السلام ورحمة الله. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله وبيدك الخير كله. واليك يرجع الامر كله. اللهم صل على عبدك ونبيك محمد في الاولين والآخرين وفي كل

وقت - 00:00:00

اما بعد اخواني واحبابي في الله ايه رأيكم في البيتزا الجميلة دي؟ بيتزا تحفة صح؟ بالسراتشة هبائيره حاجات غريبة جدا كده كاتبينها وطعم الباركيو بالمرمزان. حاجات غريبة جدا يا جماعة! يعني حاجة جميلة جدا. ايه رأيكم لو انا عزمتمكم كلكم بكرة على

الغدا - 00:00:30

كلكم قعدتم على التراييزات قمت جايب متين ورقة من الورق ده وقمت مدي لكل واحد ورقة وقلت له بالهنا والشفا هتعملوا في ايه احساسكم بالصدمة يبقى شكله ايه؟ يا اخي ده بيتزا جميلة جدا. تصدقوا يا جماعة المشكلة في ايه؟ ان فيه ناس كتير اوي مننا

دينها عامل زي البيتزا دي - 00:00:50

ما هواش حقيقة. فيه ناس كتير اوي مننا يا جماعة للأسف الشديد دين وصورة مش حقيقة وهو مخدوع بالصورة. يعني هو اعتقد ان هو كويس ليه؟ لان هو مش قادر يفرق ما بين صورة الدين وما بين حقيقة الدين. مشكلة كبيرة قوي ان احنا نبقي بنتعامل مع صور -

00:01:10

مش عارفين حقيقة الدين ايه. احنا جايين العمرة ديت عشان نعمل سورة تصحيح للتزامنا. احنا النهاردة الدرس ده بالزات الدرس ده ده اتعامل زي كوية التريز للبنطلون. المكوجي هيفضل يكوي عليها طول حياته. الدرس ده بالزات في اهم معنى لازم يتأصل عندنا.

ولازم - 00:01:30

عندنا عايزين نصح مفهوم خطير جدا. يعني العنوان بتاع الدرس فاووا الى الكهف. لو عايزين يعني تعبير في صدرك ايه ده عن الدرس ده ملتزم بالبلوتوس. عارفين البلوتوس؟ النقل عن بعد؟ اهو بالزبط كده، فيه ملتزم عن بعد. فيه ملتزم منازلهم، عارفين اللي

بياخد - 00:01:50

ايه يا عم منازلهم؟ عارفين اللي بياخد توب انتساب فيه حد خد توب انتساب؟ ما فيش غير واحد بس. انتم عارفينه طبعا. هو بشار

الاسد الوحيد اللي خد طب انتساب في تاريخ - 00:02:10

كلها. فيما سوى ذلك ما فيش حاجة اسمها طب انتساب. كذلك ما فيش حاجة اسمها التزام انتساب. ما فيش حاجة اسمها التزام بالبلوتوس. في حاجة اسمها التزام بالتواجد في بيئة الايمان فاووا الى الكهف. يا اخوانا الكلمة بتاعة الليلة بازن الله سبحانه وتعالى

كلها حوالين لفز واحد بس. حوالين كلمة الكهف. مش هنتكلم عن سورة الكهف. هنتكلم عن - 00:02:20

كلمة واحدة بس. كلمة الكهف هو ايه الكهف ده يا جماعة؟ هو السورة اسمها سورة الكهف. طب السورة ليه مش اسمها سورة اصحاب الكهف؟ آآ يعني لو جيت تشوف الوقتي الناس كلها مبهورة بايه؟ بيل جيتس اللي دخل الكمبيوتر في كل بيت في الكرة الارضية. في

القارات الستة آآ ستيف جوبز اللي عمل - 00:02:40

السري دايمنشز واللي عمل الايباد والايفون والماوس آآ مين تأزويل الفيمتو سكن دكتور احمد زويل. يبقى الناس كلها مبهورة بالاشخاص انما حقيقة الزكي ما ينبرش بالاشخاص. او مال ينبرش بمين؟ ينبرش بالمنهج اللي طلع الاشخاص. ينبرش ما تنبرش -

00:03:00

بواحد اخرج من كامبريدج او اخرج من جامعة من التوب تن في امريكا وخذ نوبل انبهر بالمنهج اللي لما اتعلم به في كامبريدج هزه الشخصيات اللي غيرت تاريخ البشرية في العلم الديوي. هو بالزبط كده يا جماعة اصحاب الكهف دول سمرة الكهف. دول سمرة بيئة الايمان. اصحاب - 00:03:20

اللي قلوبنا بتتخلع من البطولات بتاعتهم. والمعاني الايمانية الرهيبة اللي ملت قلوبهم. والمعاني البطولية اللي بتتفجر بها كلماتهم وتضحياتهم الرهيبة اصحاب الكهف يا اخواني في الله. مش هم الحاجة اللي المفروض ننبهر بها الاول. اللي المفروض ننبهر به الاول هو الكهف نفسه. بيئة الايمان. عشان - 00:03:40

احنا في المدينة المنورة بنقعد نتكلم كتير قوي في المدينة المنورة عن كلام كتير وعن الصحابة وعظمة الصحابة وننسى ان المفروض قبل ما بالصحابة قبل ما ننبهر بالعشر تلاف صحابي اللي مدفونين في مقابر البقيع جنبنا هنا. اللي هنزورهم الفجر بازن الله سبحانه وتعالى. قبل ما ننبهر بالصحابة لازم ننبهر - 00:04:00

بيئة الايمان اللي النبي عملها في المدينة المنورة. اللي خرج منها مية وعشرين الف قائد قادوا تغيير الكرة الارضية عودة التوحيد الى الكرة الارضية. يا جماعة ليه سورة اسمها الكاف؟ مش اصحاب الكهف لان القضية بيئة الايمان عايزين نؤمن عايزين نفهم ان احنا عندنا منهج عايزين نفهم ان احنا عمرنا ما هنوصل الا لو كان لنا - 00:04:20

وللاسف اللي بيقطع قلب الواحد ان المنهج بتاعنا منهج خلاق. منهج اعجازي. منهج لما اتطبق صح خرج الصحابة يا ريت لو نقدر ان احنا نطبق المنهج ده. فيه ناس تقول الصحابة ده جيل لن يتكرر مرة اخرى. هو طبعاً المربي كان النبي عليه الصلاة والسلام هنجيب مربي ثاني منين؟ ولكن - 00:04:44

نوعية النموذج نفسه والجيل نفسه ممكن تتكرر. مش المستوى نوعية النموذج نفسه. انه يخرج ابطال بس لو مشينا صح. طب ليه اسمها الكهف مش اسمها يعني يقول لك السورة بتتسمى باسم الحاجة اللي ما جتش غير مرة واحدة فيها. طبعاً هذا الكلام يعني ايه؟ يعني فيه قول ثاني اقوى منه وان اسماء - 00:05:04

اصلاً توقيفية. يعني وحي يعني اللي سمى سورة الكهف الكهف هو ربنا. قال لك طب طب ليه ربنا ما سبهاش الخضر؟ ما الخضر زكر مرة واحدة فيها. لم يذكر في - 00:05:24

صورة ثانية. طب ما زوق قرنين زكر فيها ولم يذكر في سورة ثانية. ليه سميت الكهف ما سمي لم تسمى سورة الخضر. او سورة ذي القرنين ليه يا جماعة؟ اول حاجة لان القادر نفسه محتاج كهف. ذو القرنين نفسه محتاج كهف. يا جماعة بيئة الايمان دي مش حاجة للملتزمين الجدد - 00:05:34

اللي في الاول يلا يا حبيبي بقى شف لك صحبة صالحة. يا جماعة ده ابراهيم الخليل كان بيقول الحقني بالصالحين في سورة الشعراء. بعض اقوال المفسرين يرزقني الصحبة الصالحة. يعني بت ديت الايمان مش بتاعت الناس المبتدئة. بيئة الايمان بتاعة الجميع من اول الطريق لنهاية - 00:05:54

طريق وكمان فاقوا الى الكهف. لما اصحاب الكهف قالوا فائوا الى الكهف. ربنا قال بعدها فابعثوا احداكم بورقكم. ابعثوا خرج من بيئة الايمان مش هيخرج رجاله بحق وحقيقي. يعملوا بعس في واقع الامة الميت. ويجددوا واقع الامة الميت بازن الله وحده - 00:06:14
الا لما نرجع ثاني لفكرة بيئة الايمان ولفكرة الصحبة. العمرة ديت بالنسبة لي رقم كم؟ بالنسبة لي المكان اللي انا واقف فيه ده يعني ايا ما كان اسم الفندق ايه! انا واقف في الفندق ده من ثلاث سنين كان في الفندق اللي جنبه الوقفة دي يا جماعة بالنسبة لي مسلاً رقم مش عارف والله قد ايه. بس - 00:06:34

بفضل الله كتير. يعني مش عايز اقول رقم مسلاً ايه ممكن انا لان انا مش عايز اقول لك مسلاً رقم ثلاثين. او رقم اربعين مسلاً. وان كان الحقيقة ممكن اقترب من هذا الرقم اللي يبقى فيه فوج ويبقى القاعة مليانة وتبقى ماسك الميكروفون. فين الناس دي كلها؟ مين اللي كمل؟ ما حدش بيكمل - 00:06:54

ليه؟ لان ما فيش بقعة ايمان، لانه كله بياخذها دارسين سباحهم ويروح بلده. خلاص مش مؤمن بالمبدأ نفسه. فيبيدوب تحت ضغوط

الدنيا وضغوط الدنيا بتسحق اي حد تحتها. لو ما هواش متحصن بازن الله بمفهوم بيئة الايمان - 00:07:14

عشان كده ليه قصة اصحاب الكهف ذكرت اول قصة في السورة رغم ان القصة الثانية بصراحة يعني لو انا على نفسيتي انا القصة الثانية جميلة اوي اوي اوي على نفسية واحد زبي احسن من مش احسن من قصص اصحاب الكهف. بس تشديني اكرر. قصة الانطلاق في الدعوة الى الله. الراجل اللي منطلق - 00:07:31

في الدعوة صاحب صاحب الجنيتين. القصة الثالثة بقى بالنسبة لكثير من طلبة العلم يا سلام لو كانت هي اللي اتسمى باسمها السورة. الانطلاق في طلب العلم علم نبي الله موسى يرحل في سبيل طلب ثلاث مسائل علمية. فيما علم معرفة الله. القصة الرابعة بقى بالنسبة لاخوة كثير اوي اوي اوي - 00:07:51

الواقع ده نفسهم في القصة الرابعة دي كانت هي اللي يتسمى باسمها السورة. وهي اللي تبقى في الاول. الانطلاق في الجهاد في سبيل الله. انما يا جماعة القصة اللي جت في الاول - 00:08:11

في كل الطموحات النفسية اللي عندنا. ليه؟ كلنا عايزين قصص الانطلاق. قصة الانطلاق في الدعوة. او الانطلاق في العلم. او الانطلاق في الجهاد. فربنا يجيب القصة الاولانية قصة بيئة الايمان. الناس اللي قعدت تعبد ربنا على رأس جبل وماتت مكانها واتدفنت مكانها. ليه؟ اهو ده السبب ان - 00:08:21

اعزم الملتزمين والملتزمات عندهم احباط نفسي. يكادوا يصلوا لدرجة انه يبقى مريض نفسي من كتر الاحباط. ليه؟ لانه مش فاهم ان قبل الانطلاقات الفردية اللي في الثلاث قصص التانيين لابد من بيئة الايمان الجماعية. فالاخ يقوم اول ما يلتزم كده او الاخت يقوم - 00:08:41

الدرس يلاقي الداعية مسك الميكروفون وقال لهم فلان من السلف كان يصلي الف ركعة في اليوم. الله اكبر وفلان كان يختم القرآن مرتين كل يوم. الله اكبر! وفلان وهو يموت. كان قد ختم القرآن - 00:09:01

الف وتلتमित مرة. ايه ده! يوم الاخ يخلص الدرس وقاعد في الدرس يقفل الموبايل بتاعه. واول ما يخلص الدرس يعتبر ان كل الاخوة واللي حواله عبارة عن قطاع طريق بينه وبين الله ويقوم طائر على البيت ويقوم قافل عليه اوضته الله اكبر انا هجيب الف ركعة بقى - 00:09:21

ولازم ابكي زي اللي على يميني واللي شمالي باباكم كده وانا باصلي العشاء لما الامام قرأ سورة الفجر او سورة قاف ولازم بقى ان شاء الله اصوم كل يوم ولازم الاخ يبجي يصلي يلاقي الباب بيخبط. يا ابني انزل هات لنا عيش يا ابني. يا ابني مش لاقيين حاجة نتعشى بقى! حرام عليك يا اخي! ده بر - 00:09:41

خالدين من الدين. اعمل ايه بقى؟ ينزل يجيب عيش ويطلع يلاقي والدته. يا ابني حرام عليك انا كنت عايزاك في حاجة. شوية ويلاقي واحد صاحبه خضبط يبجي يقعد معه نص ساعة وينزل شوية يقوم يتحطم نفسها. ليه؟ لان هو ما كانش واقعي. هو عامل بالزبط يا جماعة - 00:10:01

زي واحد كسر السلم واحد بص للدور العاشر في البرج فلقى حاجة عظيمة فعائز ياخذها نط يا ابني ما فيش حاجة اسمها نط في حاجة اسمها سلم السلم ايه اللي مدله ويقتل ايمان فالاخ لما خرج من الدرس جري لوحده على المجاهدة الفردية اتحول لمريض نفسي لانه عمره ما هيقدر - 00:10:21

يقدر يطبق الكلام اللي بيسمعه في الدروس لوحده. انما اللي جري على الصلبة الصالحة واتعرف على الصلبة الصالحة. وبدأ يطبق معهم عشر اللي سمعه بس. عشر اللي سمعه هيجي له احساس ان هو ناجح. لما يبجي ينطلق فرديا هيبقى انسان ناجح. هي دي اوعى تكسر السلم. اوعى تكسري - 00:10:41

السلم. اوعى تعتقد بقى انك انت في العمرة هنا ممكن تكسر الدنيا. يا عم بس استنى. خليك وسط اصحابك. لو فطرت لو راحت عليك نومة في فرض تلاقي حد يصحيك. تلاقي حد يفتكرك. لو زهقت تلاقي حد يشجعك ويسخنك. يبقى القضية ليه برضو يا جماعة - 00:11:01

كلمة الكهف ذكرت في القصة بتاعة اصحاب الكهف ست مرات. ست مرات! انتم عارفين لما اقول لك الكلمة دي زكرت ست مرات في القرآن! ده الكلمة دي زكرت ست مرات - [00:11:21](#)

في ثلاث صفحات. في قصة اصحاب الكهف بس. طب ليه؟ هو الكهف ده كان طوبة ذهب وطوبة فضة؟ لأ. كان شوية سخور عادية. طب الكهف ده كان فيه انوار من الجنة كده ربنا بينورها به. لأ كان في جه في ضلعة خرابة. زيه زي اي كهف في خرابة جوة جبل. اومال الكهف ده زكر ست مرات ليه؟ في - [00:11:31](#)

حاجة مميزة في الكاف لأ. اللي حول الكهف لمكان مميز. هم اصحاب الكهف. المميز هم اصحاب الكهف. المسلم هو واكبر شخصية تغييرية في الحياة. عارفين المسجد اللي احنا جايين من بلادنا نصلي فيه ده؟ عارفين المسجد اللي دافعين الافات عشان نيجي نصلي فيه المسجد النبوي - [00:11:51](#)

ايه ده؟ عارفين المسجد ده كان ايه؟ كان مقابر مشركين، كان ترب. كان مقابر والنبي حوله لبينة ايمان خرجت مية وعشرين الف قائد من قاضية التغيير في الكرة الارضية. مسجد اهو كان ترب. كان مقابر مشركين. ولكن - [00:12:11](#)
هو ده المسلم. المسلم شخصية تغييرية. كفاية خيابة بقي. كفاية خيبة يا جماعة. كفاية تعليق الفشل بتاعك على اوف! اهو لو الزروف تتغير. اهو لو الامكانيات تتغير. اهو بس لو كنت مسلا يا ابني يا جماعة المؤمن هو اللي بيغير الواقع. مش الواقع - [00:12:31](#)
هو اللي بيغير المؤمن كفاية خيابة. كفاية استسلام للظروف. فين البصمة بتاعتك في الدنيا دي؟ فين الاسر بتاعك في الحياة ديت؟ انت فرقت ايه؟ عمر ابن الخطاب دخل التيار الاسلامي وقتها اسلم. عمل نقلة نوعية في وضع الاسلام في مكة في يوم واحد بس في اربعة - [00:12:51](#)

ساعة لما نزل وجار بالاسلام في صحن الكعبة. انت فرقت مع الدين ايه؟ الصحابي بيقول ما زلنا ازالة حتى اسلم عمر. انت فرقت مع الدين في مكانك ايه؟ انت فرقت مع الدين في شغلك ولا دراستك ايه؟ ليه يا جماعة - [00:13:11](#)
كلمة الكاف ربنا بيقول فأووا الى الكهف. مش فأووا الى كهف. المتوقع اي كهف وخلاص. كلمة الألف واللام دول يفيدوا ايه؟ لما اقول لك مسلا ايه آا احنا ماشيين خارجين من الحرم. فاقول لك ايه تعال نروح الفندق. ايه الفرق بين ان انا اقول لك تعال نروح الفندق وان انا اقول لك تعال نروح فندق - [00:13:28](#)
ايه الفرق بين الاثنين؟ تعال نروح فندق اي فندق. اي احنا ما عندناش اصلا حجز في اي مكان. تعالوا اما نشوف اي فندق. انما على ما نروح الفندق لا ده كلام ثاني. تعال اما نروح الفندق ديت يبقى معناها ان ده هو المكان اللي احنا بنجيه كل يوم ونروح فيه - [00:13:48](#)

فاحنا رايعين في المكان اللي احنا اصلا حاجزين فيه وساكنين فيه. فاقوا الى الكهف. يبقى الكهف ده كانوا هم بيروحوه كل يوم. كان بيئة الايمان اللي بيتقابلوا فيها يعبدوا وربنا مع بعض كل يوم. يعني الناس دي كانت ملتزمة بالتواجد اليومي في بيئة الايمان. انت ملتزم بايه؟ كلمة ملتزم - [00:14:08](#)
سأل او يقول لك فلان اهو ضرب ملتزم. فلان اهو دي اخت ملتزمة. يعني ايه ملتزم؟ هو ملتزم ده معناه ايه؟ ملتزم ده معناه ملتحي. ملتزم ده معناه فيه اوراد في - [00:14:28](#)

اياتو هو يلزمها هو ايه طالب كلية شرطة لما بيتخرج بيبقى ايه ملازم ملازم. بيبقى ملازم. طب ليه ما ابقاش الاول نقيب او آا او عميد او عقيد؟ ليه اول ما بيتخرج ليه سموه ملازم؟ واحد - [00:14:38](#)
كان لازم يلزم بيئة الشرطة يفضل الدكتور اول ما بيعان في المستشفى بيبقى اسمه ايه؟ سمار اسعاف. لأ لأ استنى ده ده لأ. بيبقى اسمه ايه؟ لأ اول ما بيتعين نيابة بياخد تخصص بقى اسمه ايه؟ طبيب ايه؟ مقيم مقيم. يعني في الطب وفي الشرطة قالوا ان ما حدش - [00:14:55](#)

نافع غير لما يلزم المكان الاول. لازم الزابط يلزم قسم الشرطة بقى اسمه ملازم. ولازم الدكتور يلزم المستشفى بقى اسمه مقيم. عشان ده ينفع دكتور وده ينفع زابط! اشمعنى الدين اللي كده وخلاص! اشمعنى الدين اللي عافية وخلاص! هو

الموضوع عفا - 00:15:15

يا جماعة الموضوع قواعد يا اخواننا. الدين له قواعد. عشان كده ليه الدكاترة بيقولوا اساتذة عالميين والناس تيجي لهم من كل المحافظات وليه الزباط بيترقوا ويببقوا لواءات وبببقي لوا وبببقي فريق وليه الملتزم بعد عشر سنين من نقابها وبعد عشر سنين من -

00:15:35

لسة قاعد في مكانه ما تقدمش ولا عمل حاجة لانه مش راضي يقبل معنى كلمة التزام. هو عايز الالتزام السهل. مش عايز الالتزام الحقيقي. اهي دي القضية يا جماعة. قضية ان كلمة الالتزام ديت من اسباب بناء الحضارات. في علم الادارة يقولوا الالتزام ديت -

00:15:55

احد ثلاث محاور يقوم عليها الحضارة والنجاح كلها. فانت ملتزم بايه؟ انت ملتزمة بايه ده ده الالف واللام اللي قبل الكاف. طب ربنا سبحانه وتعالى بيقول فاووا الى الكهف. فاووا ايه؟ اذ اوى الفتية الى الكاف. يعني ايه - 00:16:15
لما ربنا يقول اولئك الذين يدعون يبتغون الى ربهم الوسيلة. يعني واحد عايز يوصل عايز يقطع الطريق لربنا. من تقرر الي شبرا. يبقى واحد عايز يقطع الطريق لربنا. والى ربك فارغب. يبقى واحد عايز يقطع الطريق لربنا. فاووا - 00:16:32
اذ اوى الفتية الى الكهف. يعني الكاف ده مش هم ماشيين بيتمشوا كده فلقوا كهف قالوا واو ده كهف شكله شيك جدا. يلا اما انا لا يا جماعة ده كان فيه طريق قطعوه اما ربنا فتح عليهم بالكهف. ببقتل ايمان دي فتح الله لا يعطيها - 00:16:52

يا حاج الناس دي لما بقت تستاهل ان ربنا يفتح عليها بيئة الايمان ربنا فتح عليها في بيئة الايمان يعني ايه؟ يعني الوقتي التفاح وقعت مليون مرة على واحد قاعد تحت الشجرة. المليون كلوا التفاحة. واحد بس هو اللي ما كلفاش. اللي بقى ايه - 00:17:12
نيوتن. يبقى التفاحة ما بتقعش على اي حد. التفاحة بتقع على اللي يستحق انها تقع عليه. كذلك بيئة الايمان لا يرزق بها اي حد يعني لو انت ما تستاهلش بقية الايمان هتحم منها. لانك انت ما تستاهلهاش. يبقى اوى الفتية الى الكهف كفاية يا جماعة - 00:17:32
كفاية مرجحة. الدنيا عاملانا زي المرجيحة. احنا مع الدنيا عاملين زي اللي راكب مرجيحة. تليفون يرن. الو ايه في ايه؟ انت انت سبت عشرين الف جنيه او جا لك آآ آ فلولس متأخرة على الحكومة لك في الشغل عشرين الف جنيه. بجد الحمد لله. قمت راكب المرجيحة طالعة بك كده - 00:17:52

بعد دقيقة بالظبط التليفون رن فيه ايه؟ الولا عيان والدكتور قال لازم يتعمل له اشعة مقطعية المخ والموضوع خطير. قامت المرجيحة جاية معك الناحية الثانية قلبت حزيني. شوية جا لك مكاملة. فيه ايه؟ الواد نجح في المادتين اللي كان شايلهم وخدمهم والله المرجيحة قامت جايهاك هنا الدنيا قاعدة تمرجح فينا - 00:18:12

قعدة الجبنة على الموجة بتاعة الفرح وبعد كده ترجعنا على الموجة بتاعة الحزن. واحنا قاعدين نتمرجح. ما عندناش سبات نفسي افراح الدنيا واحزانها اي خبر حلو بيفرحنا. واي خبر وحش بيزعلنا. المفروض المؤمن راسخ. الدنيا الدنيا ما بتجيبوش وتوديه كده - 00:18:32

كفاية زحلقة. لما ييجي داعية يتكلم عن النار. فالاخوة قاعدة كده مش متأسرة. ليه؟ لانه قعد يزحلق من على دماغه. مش انا الكلام ده ربنا مش منزله للي زيي. الكلام ده للعصاة الوحشين. كفاية استسهال يا جماعة. عايزين ناخذ الدين صح. مش عايزين دينا يبقى بالمنزر ده - 00:18:52

انت ممكن تكوني قاعدة دلوقتي كتير مننا دينه شكله كده. الله! حاجة جميلة جدا! شوفوا النقاب! شوفوا شوفوا الشكل الجميل. شوفوا السم. شوفوا اللحية بتاعته. الله اكبر. شوفوا وشه منور ازاى يا عم! والله ما منور ولا حاجة. ده ولا بيضانش. هو اللي طلع ابيض بس مش اكثر. ها - 00:19:12

شوفوا ما شاء الله السم الجميل بتاعه. شوفوا مخدوعين في مناظر. مخدوعين. وساعات ما تيجي تقف في قيام الليل تتفضح قدام نفسك. انك مش قادر تصحى ولا ان عينيك ما بتدمعش. كم واحد فينا لما بدأ الخاتمة بتاعته النهاردة اتصدم في نفسه ان ما ببكيكش ما فيش اية وقفت قلبه - 00:19:32

انه مش قادر يكمل ان هو ويجي بعد ساعة كده قراية يدوخ يقول ايه لا لا لا يبدو ان الدوخة دي بسبب ايه ؟ ان انا ما اتغزيتش كويس. ما كلتش كويس - 00:19:52

يقوم خارج خابط نص فرخة مشوية. وطبق خضار وطبق رز بسمتي. ويقوم راجع الحرم بقى الاسد راجع بقى الحرم. يوم ماسك المصحف يكتشف بعد ربع ساعة ان السبب ما كانش الغزا. طب ايه يمكن عطشان ايوه فعلا. الماية من اسباب النشاط ومن اسباب - 00:20:02

يوم طالع واخذ خمستاشر كوباية مائة من الزمزم اللي محطوطة. بعد كده يرجع ثاني مش قادر هو فيه يا ابني المشكلة في الروح اللي جواك. المشكلة لا في النص فرخة مشوية - 00:20:22

ولا المشكلة المشكلة في الروح اللي جواك. المشكلة في العزيمة الايمانية. المشكلة في قول الله وايدهم بروح منا. ليه يا جماعة؟ ربنا قال اصحاب ام حسبت ان اصحاب الكهف؟ ليه كلمة الصحبة اقترنت بكلمة الكهف بتاعة بيت الايمان؟ ياه صاروخين صاروخ - 00:20:32

اسمه برصيصة العابد صاروخ طلقة تبص كده تفتح عينك تلاقينا اهو تغمض وتفتح تلاقيه بيقطع مسافات فلكية قدامك صاروخ وصاروخ ثاني اسمه عبدالله بن حزافة السهمي. صاروخ الاثنين صاروخين. بس باحس لما باحط قصة الاثنين جنب بعض ان - 00:20:52

الصاروخين جايين يعدوا فجأة الصاروخ الاول طاخ. خبطوا امواقع. والصاروخ الثاني فوهوا قام طالع وقام مكمل في ايه الفرق بين الصاروخين برصيصة العابد صاروخ ولكن افكر انه يقدر يبقى ساروخ لوحده. فجة في الآخر لما وقع في ازمة ووقع في معصية - 00:21:12

ما لقاش حد يشاوره غير ابليس. ابليس جابه الارض. ابليس جابه لمس كتاف. الصاروخ الثاني ليه؟ لان برصيصة العابد كان شعاره ايه يا جماعة؟ كان شعار ما فيش صاحب يتصاحب. كان ده الشعار بتاع برصاص العابد. ولا ايه يا بشمهندس؟ اكيد طبعا. ها كلمة في صاحب يتصاحب نزلت - 00:21:32

ولا العمرة الجاية عمرة تربية خمسة بقى ان شاء الله ان شاء الله عمرة التريبة ما فيش يعني ايه ما فيش صاحب يتصاحب؟ يعني لو كنت جيت لي برصيصة وهو رايح يعمل عمرة مسلا بعد ستين سنة عبادة ومات انتكس بعد سبعين سنة عبادة. وقلت له هو انت ليه لوحده؟ يقول لك اعمل ايه؟ الاخوة خنيقة - 00:21:52

وما فيش حد نشيط. وما حدش عايز يقعد ليل نهار في الروضة. يصلي ويصوم لوحده. يا ابني بس بالراحة. في النهاية الشيطان لعب به كورة لانه هو ما عرفش قيمة صحبته. عبدالله بن حزافة السامي ملك الروم يقول له تنصر واعطيك نصف ملكي. يقول له والله لو اعطيتني ملكك وملك اباك. على ان - 00:22:12

اترك ديني طرفة عين ما تركته. طب اقتلوه ولا شعرة منه اتهزت. لما قعد يرموه بالسهام. طب دخلوا عليه اجمل فتاة من نساء الروم. خرجت تقول ادخلتموني على حجر ام ادخلتموني على بشر؟ طب جوعوه عطشوه وبعد كده دخلوا عليه خمر ولحم خنزير. والله لا اشمتم اعداء الله في دين الله - 00:22:32

اموت من الجوع وما شمتهمش فينا. كل ده لقيت السر في الآخر في كلمة قالها لهزه البطولة الجبارة. لما ملك الروم جاب واحد قدام عبدالله بن عذاب السامي ورماه في الزيت المغلي وقتله. فبكى عبدالله بن حزافة السامي. فملك الروم بيقول له انت بكيت ليه؟ انت وقعت ولا - 00:22:52

ايه؟ قال له ابكي. لاني وذلك الرجل كنا نتنافس في طاعة الله. الله اكبر. السر اوه انه كان له صاحب يتصاحب. ان كان له صاحب شادد معه في الطريق. فالنتيجة كانت بقت ايه؟ النتيجة ان هو سمى وبقي بطل من - 00:23:12

ابطال برصيصة الصاروخ الاول رفع شعار ما فيش صاحب يتصاحب. وعبدالله بن حزافة السهم الصاروخ الثاني رفع شعار كن نتنافس في طاعة الله زي العلاقة بينا في العمرة كده. قاعدين نتنافس مين هيختم؟ نتنافس مين هيصلي قيام للاكثر؟ نتنافس ده مش -

يا جماعة ده ده منافسة يا اخوانا. مين اللي هتقدر انها تعبد ربنا ساعات اطول؟ دي منافسة. في النهاية ده راح فين؟ وده راح فين؟
عبدالله بن حزافة يا بطل عاش بطل ومات بطل وبورصيصة مات كافر مات ساجد لابليس والعياذ بالله - [00:23:52](#)

يبقى القضية ان فاقوا الى الكهف. ده شعار كبير قوي في حياتنا مش عايزين نبقي ملتزمين بالبلوتوس. مش عايزين نبقي ملتزمين
عن بعد. عايزين نعرف قيمة الصحبة الصالحة. عايزين نعرف قيمة بعض يا جماعة. ده مبدأ - [00:24:09](#)

قبل ما ننطلق في العمرة وننطلق في العبادة لازم الاول هو انتم عارفين بعض يا اخوانا؟ هو كل واحد قاعد عارف الثاني؟ هي كل
واحدة قاعدة الثانية ولا هنغلط غلطة برصيصة ولا انت عايز خدوا بالكم برصيصة عبد ربنا سبعين سنة وبعد كده وقع. آآ أنت
برصاصة صغير يعني ايه - [00:24:25](#)

يعني انت اخرك شهرين بروصيصة صمت سبعين سنة انما انت اخرك ست شهور وهتلاقي كل الحماس اللي عندك راح. يعني ما
تعتقدوش بقى ايوة ده انا كده ممكن اقعد اعبد عشرين ثلاثين سنة وفي الاخر انتكس. ثلاثين سنة مين يا جماعة؟ ما شفناهم مش دول
والله. انا نفسي اشوف اخ، نفسي - [00:24:45](#)

من يوم ما التزمت لحد الوقتي غير اللي بقوا دعاء الى الله. غير اللي بقوا دعاة. غير اللي ربنا استعملهم ده الله. نفسي اشوف اخ
سابت على المجاهدة سنة. نفسي اشوف اخ سابت على ورد العبادة بتاعه سنة. نفسي اشوف اخ سابت على حضور الدروس الایمانية.
درس - [00:25:04](#)

في اسبوعي لمدة سنة. نفسي اشوف واحد سابت يا جماعة. اللي بيسبتم اللي من يوم ما التزمت. سبتم لحد دلوقتى وهم اللي بقوا
دكتور عبدالرحمن الصاوي بقوا الشيخ فلان بقوا الشيخ علان والباقي الباقي فين؟ الواحد بيلف حوالين نفسه راحوا فين؟ فاقوا الى
الكهف. احنا الوقتي يا جماعة اه - [00:25:24](#)

اويننا الى الكهف. احنا دلوقتى اصحاب الكهف الجدد. احنا الوقتي جايين نأوي الى كهف بيت الايمان والتربية. عشان نوصل لربنا
سبحانه وتعالى. وعشان نقرب من ربنا سبحانه وتعالى. مش عايزين نضيع الايام اللي احنا فيها ديت - [00:25:44](#)
مش عايزين نضيع الفرصة اللي ربنا اداها لنا. الرسول عليه الصلاة والسلام قال اللي يحط ايده في ايد اخوه او تحط ايدها في ايد
اختها لمدة سواني كده يسلموا على بعض - [00:26:01](#)

تتحدي الزنوب يعني ايه تتحدى؟ لو جبت فرع شجر في الخريف وقمت نفذه جامد اوي كده كل الورق بتاعه يقع اهو بالزبط كده
زنوبنا بتقع لما بنحط ايدنا في ايد بعض سواني. اومال لما نحط ايدنا في ايد بعض طول العمر؟ اومال لما نحط ايدنا في ايد بعض
حتى - [00:26:11](#)

سنلقى الله سبحانه وتعالى. بقرأ النهاردة وسيدنا يعقوب نايم على فراش الموت. وبيقول وربنا بيقول ام كنتم شهداء اذ حضر يعقوب
الموت كأن المعنى الاستمرار حتى اللحظة الاخيرة. اذ قال لبنيه يعني هو عارف ان فيه مبادئ الدين مش هيكمل من غيرها. اذ قال
لبنيه ما - [00:26:29](#)

من بعدي. يبقى اول حاجة التوحيد. قالوا نعبد الهك واله ابائك اسماعيل واسحاق ويعقوب واله ابائك ابراهيم واسحاق ويعقوب صح.
جزاكم الله خيرا. واله يا عم استنى بس استنى بس ابراهيم واسحاق ويعقوب ابراهيم وايه؟ اسماعيل اسماعيل ازاى يا عم ده -
[00:26:49](#)

اسماعيل جد العرب اليهود ما لهم به. ده اللي قاعدين حوالين يعقوب دول اليهود. دول اساس اليهود في الارض. دول الاسباط اللي
هم اللاتناشر صوت اللي طلع من زريتهم اليهود ما لهم باسماعيل. عارفين المعنى ايه يا جماعة؟ عارفين هم بيقولوا لابوهم كده
وبيموت ليه؟ عارفين جابوا كلمة اسماعيل ليه - [00:27:19](#)

لان الدين عمره ما هينتشر في الارض لما نتقطع. لما يطلع اسحاق له ناس واسماعيل له ناس. فبيجيوا قدام ابوهم وهو بيموت كلمة
اسماعيل لانهم عارفين ان ابوهم عاش عشان قضيتين. زي ما سورة يوسف بتفصل عشان قضية التوحيد وعشان قضية الوحدة -

عشان قضية الصلة بالله وعشان قضية الصلة ببعض. دي المعاني اللي الانبياء ماتوا وهم بيأصلوها في اتباعهم. لان ما فيش دين هيستمر في الارض من غير ده. يا جماعة ما فيش بديل. اللي احنا بنعمله ده ما فيش عنده اي بديل. ما حدش يدور على حل ثاني. ما حدش يدور على حل للدين غير التربية - 00:27:57

فين القرآن والارتباط بالقرآن وغير بيئة الايمان وغير الوحدة اي حل بعد ده هياسر في الواقع. واي حل قبل ده هيبقى استعجال مش هيجيب حاجة في الواقع. يعني آآ يعني واحد جاي لي وانا خارج من المسجد فيقول لي الزلم ملئ البلد. قلت له ماشي - 00:28:21 لازم نشوف حل في الظلم. قلت له جميل ماشي والله العظيم انا اكثر منك. يعني والله لو انت فقير قيراط اقسام بالله انا اللي جوايا ما يعلم به الا ربنا سبحانه وتعالى - 00:28:41

ماشي جميل جدا وبعدين آآ عايز ايه يعني؟ عايز توصلني ليه؟ قلت له يا ابني انت عارف عامل زي ايه؟ انت عامل ايه؟ يعني انت انا عارف هو بيحرجني لايه بالزبط فيقول له انت عارف عامل زي ايه - 00:28:51 قلت له انت عامل زي طالب في اولي طب رايح كلية طب فهو داخل الكلية عدى على قسم الجراحة كده في المستشفى اللي جنب الكلية لقي دكاترة الجراحة قمة القسوة - 00:29:01

وقمة يعني الغلظة وبيطردوا برجليهم عيان مريض وبطنه مفتوحة. والعيان بيستغيث وبيقول لهم اموت. فطالب هوب اول ما شاف المنزر الزلزمة الزلزمة ده كفر بالزلم والعيان بالله. انا لازم انا لازم ادفع الظلم ده. قام واخذ العيان قال له تعال - 00:29:11 انا هاعمل لك العملية. قتل العيان لانه مش فاهم حاجة طبعا. قتل العيان اتحكم عليه بعشرين سنة سجن راح عليه الكلية اترقد من الكلية وما غيرش اي حاجة. ليه؟ لان هو مش عارف يغير ازاى. هل ان الطالب ده - 00:29:31

يموت نفسه في الكلية. ويتبنى صح ويطلع الاول. بعد ست سنين هيتعين في قسم الجراحة اقدر انه ينصر قضية العدل في الاثم. يا جماعة انا مش باقول واحد مبني وواقف ضد الظلم. ده واحد بيهجر بكلمة الحق في وجه الظالم. انا باتكلم على واحد - 00:29:47 غلبان يا عيني. مش عارف حاجة. لو قلت له نواقض الوضوء ايه مش هيعرف. لو قلت له يعني ايه وفاكهة واب مش هيعرف لو قلت له يعني ايه انا اعمل سابغات اقدر في السرد مش هيعرف. ما يعرفش الفرق بين سورة فاطر وصورة سبأ. ما يعرفش لو قلت له قل لي عشر احاديث عن النبي - 00:30:07

ما يعرفش وبيقول لك يا ابني اتبنى. اعزم خدمة تقدمها لديك ان انت تتبنى يعني نهاية الكلمة الوقتي يا اخواني بازن الله سبحانه وتعالى. نهاية الكلمة عايزين التوصيات. التوصية الاولانية ان نقوم الوقت كلنا. كل ما تقوموش الوقتي. نقوم الوقتي ده دي يعني دلوقتيا اما خلاص - 00:30:27

نقوم الوقت كلنا كل واحد يسلم على اخوه كل واحد ياخذ اخوه بالحضن بس ما فيش يعني انا مش هاروح مسلا ايه باشمهندس علي زيادة حبيبي لا يا جماعة احنا كده بنضحك على بعض. اشوف حد ما اعرفوش. وانت تشوفي واحدة ما تعرفهاش - 00:30:47 وانت تشوف واحد ما تعرفوش. ما تنقليش. احنا معنا هنا يا جماعة. طبعا يعني ممكن ابقى خارج الوقتي الاقي واحد بيجري ورايا. يا شيخ يا شيخ ايه انا عايزك عشر دقائق. ماشي يا حبيبي والله انا مش هاديك عشر دقائق. انا جاي هنا عشانك. يعني انا مش انا العشر تيام دول كلهم بتوعك انت. ولكن - 00:31:07

دي مش مصلحتك. ده مش مصلحتك. يا ابني ما تجربش علي. انا مش هتلاقيني معك على طول. اومال ليه فريق من المربين بفضل ومنة الله سبحانه وتعالى. ومعنا اخواتنا بفضل الله زي ام سعد وزى ام عبدالله. وزى ام معاز. امال ليه يا جماعة الناس دي معنا؟ ليه الفريق - 00:31:27

ده معنا عشان انت تجري عليه. عشان هو ممكن ان دي تبقى علاقة طبيعية. يبقى مربى لك. يبقى موجه لك. قاعدين في وسط الحرم عندك مشكلة في اية مش فاهمها. عندك مشكلة في طريقي في قراية القرآن قلبك مش لاقية. عندك قضية ايمانية معصية بتقع فيها تلاقي حد - 00:31:47

اتكلم معه. تلاقي صاحب تلاقي صديق تتكلم معه. يعني يا اخوانا عايزين نفهم صح. اتعرفوا على بعض. اتعرفوا على المربين.

واتعرفوا على بعض ان صاحبك لن يغنيك عنه شيء. صاحبك وصاحبك اللي هيسحبوك وفي الطريق الى الله - [00:32:07](#)

قبل ما نتعرف على بعض نتعرف على بعض على ايه؟ هنلتقي على ايه؟ ده الاسكريبت بتاعه اللي هو سكريبت يعني ايه؟ الجدول التفصيلي يعني. يعني التفاصيل ساعتها بكرة ان شاء الله بازن الله الخميس. فيه قيام ليل قبل الفجر بتلات ساعات. جزاك الله خيرا.

ده الشيك. وده الشعبي - [00:32:24](#)

قبل الفجر بتلات ساعات قيام ليه ان شاء الله؟ الفجر بيدن على كم؟ ستة الا تلت. يبقى ان شاء الله بازن الله تلاته الا تلت اه اه

باشمهندس اه الاسماء اتكتبت على الاوض - [00:32:46](#)

آآ هتتعلم الليلة طبعاً دلوقتي ان شاء الله بازن الله. الوقت يا جماعة احنا كلنا عارفين بعض. ما هو اصل المشكلة مش كده. المشكلة ان انا الوقتي انا نفسي مسلاً انا عايز اصحي الناس. هم. فانا عايز اعرف الاوضة اللي تبعنا من الاوضة اللي مش تبعنا. فحتمه كتابة

الاسماء على الاوض مهمة جداً. الظهر هيجي مسلاً اه - [00:33:00](#)

احياناً ان الظهر بالزات في مكة مسلاً. هتلاقي مسلاً ايه في ناس كتير بيروح منها الظهر. آآ بالزات في اليوم بتاع العمرة مسلاً ربنا يحفظنا يعني. فهتلاقي ايه؟ فانت فيعني مش لازم اللي عارف هو اللي يصحي. فان شاء الله بازن الله ان شاء الله بازن الله النهاردة

هيتعلق على كل اوضة للاخوة والاخوات اللي معنا اسماء - [00:33:20](#)

الناس اللي جوة. ليه؟ عشان نميز الاوض بتاعة عمرة التريبة من الاوض اللي مش تبعنا لان هيجي واحد مش تبعنا نقعد نزرع عليه

الساعة تلاته الا تلت الراجل هيقول فيه ايه الناس دي عندها الناس دي بتفكر ازاى؟ فاحنا ان شاء الله بازن الله قبل الفجر بتلات

ساعات هتجده بازن الله سبحانه وتعالى - [00:33:40](#)

آآ تضحية عامة للجميع. واللي يصحى منكم او يبقى صاحي قبل الفجر تسعة تعمل ايه؟ من اول تلاته الا تلت يخبط على كل الاوض.

ويطمئن ان الناس كلها صحت. ده يا جماعة قانون في العمرة. بازن الله. احنا بنتوك بنتعكز على بعض عشان ندوق قيام الليل بقى.

ندوق ان ربك يعلم - [00:34:00](#)

انك تقوم ادنى من ثلثي الليل مش عارفين نعملها. ونصفي مش عارفين نعملها واياه؟ وثلاثها هنقرب من التلت. يعني حتى مش جاييين

التلت هنقرب من التلت الليل مش تسعة ساعات. الليل اطول من كده. بعد كده ان شاء الله هنصلي الفجر فين؟ الوقتي مكان قيام

الليل - [00:34:20](#)

مكان قيام الليل بالنسبة للرجال في الصف الاول في المسجد النبوي. يعني بندخل من باب ايه؟ ندخل من باب ايه؟ باب السلام. السلام

الصلاة والسلام على النبي يعني. اللي هو الباب اللي انت بتدخل منه وانت رايح سلم على النبي عليه الصلاة والسلام. بندخل من باب

السلام. خلاص؟ وعلى يمينك الصف الاول بنقف كلنا في الصف الاول نصلي - [00:34:38](#)

معهم اخوات مشرفات. معنا هنا آآ ام عبدالله معنا دلوقتي ام عبدالله معنا لو معنا ترفع ايدها ام عبدالله معنا ام معاز معنا ام معاز

ترفع ايه ده ماشي. ام سعد معنا ام بشمهندس سعد معنا ترفع ايدها. ومعنا يعني حوالي اتناشر اخت مش هنقول مشركة - [00:34:58](#)

لان هم مش اداريات يا جماعة. يعني هم مش مسؤولين عن المشاكل الادارية ما لهمش دعوة بالشركة. يعني بس كلمة مشرفات دول

اللي المفروض وانتم رايعين الحرم بيحددوا المكان كان اللي كلكم تقعدوا فيه. لما هنعمل جلسة تعارف ان شاء الله في جلسة

الضحى اللي بعد كده ان شاء الله. هم دول اللي هيقودوا جلسات التعارف. واخدين بالكم اللي عندها مشكلة - [00:35:21](#)

وصل لهم بازن الله سبحانه وتعالى هذه الايه؟ هذه المشاكل. آآ يعني آآ معنا تلاته هم اترفعوا ايديهم ام عبدالله ام سعد ام معاز.

خلاص وهم اتناشر اخت اصلاً مش تلاته بس. هم اتناشر اخت. ولكن انا قلت تلات اسماء بس. منهم عشان تبقوا عارفين يا جماعة في

قيام الليل التلات الاتناشر - [00:35:41](#)

آآ هيبقوا موجودين قبل الفجر بتلات ساعات في البهو بازن الله سبحانه وتعالى. عشان ياخدوا الاخوات يعبدوا ربنا في مكان النساء

في الحرم في مكان واحد. خلاص يا جماعة الموضوع واضح بالنسبة للنساء. بالنسبة للرجال المكان المقامي بتاعنا الصف الاول في

المسجد النبوي ان شاء الله - 00:36:01

طيب دلوقتي الفجر بقى فيه زيارة مقابر هنزور البقيع. النساء طبعاً ما بيدخلوهمش هنا المقابر خالص. فالنساء هيفضلوا يقعدوا جلسة الضحى النهاردة عادي قاعدين يقرأوا القرآن مع بعض خلاص آآ مش قاعدين يتكلموا قاعدين يقرأوا القرآن - 00:36:21
طب بالنسبة للرجال الجنازة بيتصلى عليها ويبيطيروا على البقيع. يبقى اللي مش هيجري طيران ورا الجنازة ما هواش فالحل انك انت بتصلي في الصف الاول والحزاء بتاعك جنبك. مش بينك وبينه شوية جنبك على طول. في اقرب آآ مكان للاحزان - 00:36:36
جنبك. اول ما تخلص صلاة الجنازة تقوم ماسكه في ايدك وتقوم ايه ؟ وتقوم طاهر وراه. وتقوم طاهر ورا الجنازة هنزور ان شاء الله باذن الله هنتبع وهيبقى في كلمة على القبر باذن الله سبحانه وتعالى. آآ طيب آآ الوقتي احنا هنزور آآ هنتبع جنازة. يبقى بالمرّة بقى - 00:36:56

هنطبق بكرة الاربع حاجات بتوع سيدنا ابو بكر الصديق. ان شاء الله اللي هم ايه ؟ واحد صيام. يبقى هنتسحر الليلة ان شاء الله. كل واحد يتسحر على مسؤوليته الفردية. وبعد كده هنتبع جنازة الفجر. خلاص ؟ والحاجة الثالثة ايه ؟ اطعام مسكين. عندك العمال بتوع الحرم - 00:37:16

خمسة ريال تجيب بتيهتين وتديهم له آآ اي حاجة شكلها جميل كده ومغري يبقى انت اطعمت مسكين. والحاجة الرابعة عيادة مريض عيادة مريض عيادة مريض يعني آآ ما اكثر المرضى. يعني آآ يبقى عندك برد اخونا الحبيب اهو بيقول عنده برد. يبقى الوقتي - 00:37:36

ربنا يرزقنا حد مريض بكرة السنة اللي فاتت كان المريض اللي احنا زرناه حد فاكر من الناس اللي كانوا معنا كان المريض الاخ سامح الله يرحمه اللي مات وصلينا عليه الجنازة من اسابيع قليلة. يعني كان معنا في عمرة التربية السنة اللي فاتت وما هوش معنا السنة دي. فاي واحد فينا يا جماعة ممكن ما - 00:37:56

موجود السنة الجاية. فاحنا آآ ودكتور حسام معنا طب دكتور حسام طبيب عمرة يعني آآ لو لقيت مريض كده بالتأكد انت عارف مرضى يعني. هتبلغ الادارة وياه وتبلغنا وان شاء الله باذن الله ايه - 00:38:16

نروح نزوره كده ان شاء الله باذن الله. ندور على مريض ما انتاش لاقى مريض او ما انتاش لاقى مريض. رح اي مستشفى عام هنا وزور مريض في وقت الزيارة. يعني الموضوع يعني زمان - 00:38:36

مكان ناس بتيجي في افواج ولا كان حد بيرتب لنا حاجة. وكنا بندور على مريض في اي مستشفى وبنزوره. يعني قصدي دي اربع حاجات ما اجتمعنا في عبد الا دخل الجنة - 00:38:46

طيب يبقى الحال بعد كده بقى من الضحى للظهر عايز تنام عايز تصلي من الظهر للعصر في المكان المقامي بتاع الرجال تحت المزة والمكان المقامي بتاع النساء السابت من العصر للمغرب لأ من العصر فيه درس بقى. الدرس النهاردة كان ايه ؟ كان الوقتي عملناه العشاء ليه ؟ لان احنا جايين - 00:38:56

أتأخر اه والناس تعبانة. بكرة الدرس امتى ؟ العصر. بكرة الدرس العصر رسول من انفسكم. ان شاء الله باذن الله عن في نفس المكان. صلوا على النبي على صلوا العصر ونيجي مباشرة يا جماعة. ان شاء الله باذن الله. صلوا العصر ونيجي مباشرة. يبقى بكرة الدرس العصر. وبعد كده من المغرب للعشاء بقى نفطر على زمزم - 00:39:16

اصلاً بيعملوا افطارات في المسجد لكل اللي موجودين في المسجد افطار خفيف كده. بيجيبوا زبادي ودقة وخبز فطير وحاجة كده حاجات خفيفة. وبعد العشاء هنجي هنا عشان في فطار جماعي مجاني. فيه فطار جماعي للفوج كله فور صلاة العشاء. يبقى بكرة - 00:39:36

اول حاجة في البرنامج ايه ؟ صوم. قيام الليل. قيام الليل. خلاص ؟ قبلها بتلات ساعات. والتضحية الجماعية. طيب وقبل فجأة هنعمل ايه ؟ هنتسحر يبقى كل واحد يخبي سندوتشين كده في جيبه ياكلهم في المكان اللي هو فيه. خلاص ده غير طبعاً السحور الاساسي اللي قبل ما ينزل. وبعد الفجر هنعمل ايه - 00:39:56

ان شاء الله. المقابر هنطلع على مقابر البقيع. خلاص نصلي قدام عشان نلحق. وبعد العصر هنعمل ايه ان شاء الله؟ الدرس. الدرس
وبعد العشاء هنعمل ايه ان شاء الله؟ الافطار الجماعي هنا وما بين كل الوقت ده وبعضه هنعمل ايه ان شاء الله؟ نعبد ربنا -

00:40:16

بازن الله نقوم الوقتي كل واحد ما يمشيش غير لما يسلم على ناس ما يعرفهمش ويتعارف. لا استاز ياسر. باشمهندس سعد انت عارفه
اولا ثاني حاجة الموضوع مش سلام بالايدي. عايزين والاخوات يسلموا على بعض. النساء يا جماعة يسلموا على بعض. ويتعرفوا على

بعض. ما ينفعش ييجي ناس وسطهم - 00:40:36

دخلوا وخرجوا ما هماش عارفين قاعدين يبصوا على ناس شلل متصاحبة - 00:40:56